

Uiloq eertaasaq

Qallunaatut atia: Ærtemusling
Latiinerisut atia: Pisidium casertanum
Tuluttut atia: Pea Shell Cockle
Sorlernut ilaava: Qituttunut
Uumasooqatai: Veneroida
Ilaqutai: Uillut eertaasat

Uiloq eertaasaq imermiuuvoq.
Kalaallit Nunaata kujataani
kitaanilu kujasissumi
avannamut Ilimanaq tikillugu
tatsit itisuut naqqanni
uumasuuvoq.

Isarnaatai

Kalaallit Nunaata uilua eertaasaq
ammalungajattuuvoq akulikitsunik
titarniisaqarluni.

Nerisai

Uiloq eertaasaq anersaartuutimigut sullulikkut imermik milluaasarpog
imermi sananeqaatit minnerpaat algillu milluaatigalugit imertaajartarlugit.
Nerisani pisarisarpai meqquaqat qanerminut ingerlatsisartut atorlugit. Imeq
anersaartuutikkut sullulikkut allakkut aniatinneqartarpoq.



Paasissutissat

Uumaffii: Sumi tamani
Takissusia: 5-6 mm
**Uillut eertaasat angutiviaallutillu
arnaviaapput**

Nalunngiliuk?

Uillut eertaasat piaqqatik uumatittarpaat
masiminni 1 mm missiliorlugit
angissuseqalernissaat tikillugu.